

Kvennaskóli Kvennalistans.

I vetur hafa framkvæmdanefnd Reykjavíkuranga og fleiri konur rætt mikið um það hvernig hægt er að auka virkni fleiri kvenna í Kvennalistanum og fá inn nýjar konur. Við vitum að það er fullt af konum sem hafa áhuga og vilja starfa með Kvennalistanum, en vita ekki alveg hvernig þær eiga að byrja. Framkvæmdanefndin hringdi í mjög margar Kvennalistakonur og spurði hvernig þær vildu hafa starfið þ.e. annarsvegar innra starfið og hinsvegar um leiðir til aukinnar virkni og hvernig hægt væri að opna starfið betur fyrir nýjum konum.

Flestir konur vilja hafa félagsfundi með meiri kvennapólítískri umræðu og einhvers konar opið hús/laugardagskaffi.

Til þess að auka virkni og opna starfið betur fyrir nýjum konum komu fram hugmyndir um einhverskonar hópstarf/námskeið.

I framhaldi af þessu öllu kom hugmyndin um Kvennaskóla Kvennalistans. Framkvæmdanefndin fékk Kristínu Astgeirs d. til liðs við sig við að setja ~~upp~~^{up} námskrá. Kvennaskólinn var auglýstur í fréttabréfinu og einu sinni í dagblaði. Mjög margar konur hringdu og leituðu upplýsinga og þegar að skólastettingu kom voru 20-25 konur búnar að skrá sig.

Kvennaskólinn var 6 vikur á laugardögum kl. 10³⁰-1³⁰ og oft dróst að ~~hætta~~ vegna skemmtilegra umræðna, Kristín Astg. fjallaði um kvennasögu, Sigríður Dúna sá um að fræða konur um kvennamenningu, kvennapólítík og hugmyndafræði Kvennalistans. Helga Sigurjóns hafði erindi um konur og völd. Síðasti laugardagurinn var kynning á borgarmála- og þingstarfi Kvennalistans. Frá borgarmálahópnum komu Ingibjörg Sólrún, Hulda Olafsd. og Elín G. Olafsd., og þær Málmfríður Sigurðard. og Kristín Halldórsd. frá þingflokknum.

Margar konur sem sóttu skólann höfðu aldrei komið í Kvennalistann áður en alltaf langað mjög mikið.

I lokin var rætt um hvernig konunum hefði fundist og var það sam-dóma álit þeirra að þær hefðu fræðst mikið og þótti þessi tími mjög gagnlegur og skemmtilegur og vildu eitthvað framhald.

Framkvæmdanefndin stefnir að því að hafa Kvennaskóla starfandi í haust. Einnig hafa komið upp hugmyndir um farskóla út á land (t.d. Helgarskóla). Gaman væri að heyra frá konum hvað þeim finnst um það.